

## Kata Pengalo – Ngalo Ras Momo



Turang ras senina i bas Tuhanta Jesus Kristus, selaku serayan Tuhan, ikataken kami mejuah-juah ras Selamat Wari Minggu man banta kerina. Man bandu kekelengen kami si sekali enda denga erkebaktin i bas gerejanta enda, ikataken kami mejuah-juah. Kerehenndu nambahi keriahen man banta kerina. I bas bena kebaktinta mari dage si dengkehken momo kerna perdalanen perpulungen Tuhan, bage pe rencana pelayanen gerejanta ku bas wari-wari si reh enda ([Ngogeken Momo](#)).

## Kata Penaruh

=====

Turang ras senina i bas kekelengen Tuhanta Jesus Kristus, minggu enda igelari minggu zending, ija kita nginget maka Jesus enggo ngutus ajar-ajarNa guna nehken Berita si Meriah. Erkiteken si e turah gereja si tetap pembarken Berita si Meriah erkelang-kelangken *misionaris* si enggo ipilihNa. Tentuna kita pe ikut ngaloken pendilo Tuhan e, muat bagin ras nerusken meritaken Berita si Meriah e. Terlebih-lebih man kalak si lenga tek gelah ialokenna Jesus jadi Juruselamatna.

### Erkata Lonceng

*(Perp. Tedis)*

### Rende

**KEE No. 372 : 1, 2, 3**

*(Serayan Kebaktin Bengket Ku Mimbar)*

**Kebaktin Minggu, 22 Oktober 2023**  
**Minggu XX Kenca Trinitatis / Minggu Zending**

<b>3</b>	<b>Votum – Salam</b> <span style="float: right;"><i>(Perp. Tedis)</i></span>
L	I bas gelar Dibata Bapa si enggo nuruh AnakNa ku doni enda, i bas gelar Jesus Kristus si nuruh gerejaNa guna ersaksi, ras i bas gelar Kesah si Badia si mpegegehi gerejaNa meritaken Berita si Meriah. Perkuah ate ras dame i bas Dibata Bapa, ras i bas Jesus Kristus nari, i bas kerembaken Kesah si Badia nemani kita seh rasa lalap. Amin.
P	Amin ..... Amin ..... Amin ..... <span style="float: right;"><i>(iendeken)</i></span>
<b>4</b>	<b>Berita Kerna Perbahanen Ras Sura-Sura Tuhan (Invocatio)</b>
L	“E maka jagailah dirindu dengen jagai pe kerina kalak si enggo itetapan Kesah Si Badia man kepepenndu. Permakanilah perpulungen Tuhan si enggo itebusiNa alu engkorbankan diriNa seh mate” (Perbahanen 20 : 28).  Erpalasken kata Dibata enda, sipuji IA alu ras ngendeken : <b>KEE No. 192 : 1, 2</b>
<b>5</b>	<b>Pujin Man Tuhan</b> <span style="float: right;"><i>(Perp. Kundul)</i></span>
L	Perbahanen ras kekelengen Tuhan tahu-tuhu mbelin man doni enda, alu nuruh AnakNa ku doni enda guna maba berita keselamatan.
P	Ngataken bujur kami man baNdu o Tuhan, sabab enggo aloken kami berita keselamatan si ibabaNdu.
L	Tuhan si dem alu perkuah ate mabai keselamatan man kalak si tek. Erdandanken si e mari sipuji Tuhan si enggo nuduhkan keleng ate ras kemuliaNa erkelang-kelangken Perberita si meriah si enggo reh kutengah-tengahta.
P	Ipuji dengen isembah kami Kam Tuhan, sabab igejapken kami keleng ate ras kemuliaNdu, arah Perberita si meriah si enggo isuruhNdu.

L	Kesah si Badia erdahin guna pengasup gerejaNa nehken Berita si Meriah e ku kerina tinepaNa.
P	Bujur o Tuhan, i bas Kam enggo mereken Kesah si Badia si mpengasup kami guna ersaksi kerna keselamatan si enggo ipadankenNdu man kerina tinepaNdu.
L	Mari si penangkih tole pujin-pujinta man Tuhan, alu ngendeken : <b>KEE No. 196 : 1, 2</b>
<b>6</b>	<b>Kinilangasupen Guna Erberita</b>
L	Ngidah belinna kekelengen Tuhan man banta, maka i bas keselamatan enda, mari tulihken ku bas pusuh kerna ketutusenta i bas ngayuken pendilo Dibata, guna meritaken Berita si Meriah.  <i>(Paksa Teneng)</i>
L	Mari sigejapken kinikotenta sedekah enda i bas meritaken Berita si Meriah alu ngendesken : <b>KEE No. 362 : 1, 2, 3</b>
<b>7</b>	<b>Pedah Dibata si Mpengasup Kita Guna Erberita si Meriah</b> <i>(Perp. Tedis)</i>
L	Kata Dibata si mpengasup kita guna erberita si Meriah : <i>“Kupindoken man Dibata gelah i bas kinibayakenNa si la ersibar nari iberekenNa man bandu kuasa arah KesahNa guna mpegegehi pusuh peratenndu” (Epesus 3 : 16).</i>  I bas kita enggo ipegegehi Dibaa guna erberita, emaka mari sipuji Dibata alu ngendeken : <b>KEE No. 454 : 1, 2</b>
<b>8</b>	<b>Kata Dibata</b> <i>(Perp. Kundul)</i>
a	Marilah sibegiken Kata Dibata si man ogenken ibas Minggu enda sini ibuat ibas Kitab <b>Jesaya 40 : 6 - 9</b> . Mari siogeken secara pegancih. Sibenaken pengogenta .....
40:6 L	Lit sora erlebuh nina, “Momokenlah!” Ningku nungkunsa, “Kai si man momonken?” “Momokenlah maka kerina manusia desken dukut-dukut ngenca; bagi rudang-rudang i mbalmbal kiniulinna kentisik ngenca.

<p>40:7 P</p> <p>40:8 L</p> <p>40:9 P</p>	<p>Dukut-duktu kerah, rudang-rudang pe melus, adi isuruh TUHAN ku je angin rembus. Tuhu, jelma manusia desken dukut saja kap ngenca.</p> <p>Dukut-duktu ras rudang-rudang pe melus kap, tapi kata Dibatanta tahan rasa lalap.</p> <p>O Jerusalem, nangkihlah deleng si meganjang, momoken berita si mehuli. O Sion erlebuhlah alu sora megang, momoken berita si mehuli Momokenlah ola mbiar. Momoken man kuta-kuta Juda. “Dibatandu enggo reh.”</p>
	<p>Ketuahen kalak si megiken Kata Dibata, dengen simakekenca i bas geluhna si tep-tep wari, Haleluya.</p> <p>Ialoi perpulungen alu ngendeken :</p> <p style="text-align: center;"><i>Haleluya ....</i></p> <p style="text-align: center;"><i>Haleluya ....</i></p> <p style="text-align: center;"><i>Haleluya ....</i></p>

b	Ertoto guna Khotbah
c	Khotbah : <i>Johanes 12 : 20 - 26.</i> Tema : <i>“Jesus Tetap ras PersuruhenNa”</i>
d	Ertoto kenca khotbah
<b>9</b>	<b>Pengakun Kiniteken</b> <i>(Perp. Tedis)</i>
	<p>Aku tek man Dibata Bapa si la ersibar kuasaNa, si nepa langit ras doni.</p> <p>Aku tek man Yesus Kristus anakNa si Tonggal Tuhanta, si jadi arah Kesah si Badia, tubuh i dur singuda-nguda nari si so keliamen, tergelar si Maria, si nenganami kiniseran sangana pemerintahen Pontius Pilatus, nipakuken ku kayu persilang, mate je nari ikuburken, nusur ku doni kematen, peteluwariken enggo keke ibas si mate nari, nangkih ku surga, perkundulna arah kemuhen Dibata Bapa si la ersibar KuasaNa, je nari reh me IA pagi ngeranaken si nggeluh ras si enggo mate.</p> <p>Aku tek man Kesah si Badia, janah lit sada Gereja si Badia, persadan kalak si Badia, pengalemi dosa, kinikeken kula, kegeluhen si rasa lalap. Amin.</p>
<b>10</b>	<b>Nehken Persembahen</b> <i>(Perp. Kundul)</i>
L	<p>Turang ras senina i bas Jesus Kristus, mari si sehken persembahenta si mehulina si jadi tanda pengataken bujurta man Tuhan. Sabap Ia mehuli ras melias man banta. Kata Dibata si jadi i bas kita nehken persembahen pengataken bujurta ibuat ibas Roma 12 : 1 :</p> <p><i>“O senina-seninangku, nginget perkuah ate Dibata si mbelin si isehkenNa man banta, kupindo man bandu: Endeskenlah kulandu man Dibata saja selaku persembahen si nggeluh rikutken si ngena ateNa. Sabap bage me arusna kam ersembah man Dibata sue ras biakndu selaku mahluk si rukur”</i></p> <p>I bas kita ngendesken persembahenta, mari ras kita rende ibas : <b>KEE No. 289 : 1, 2, 3</b></p> <p>Pertoton Persembahen ras Syafaat</p>

<b>11</b>	<b>Perpadanen Guna Erberita si Meriah</b> <i>(Perp. Tedis)</i>
L	Turang ras senina, idilo Jesus kam guna jadi saksi man temanndu manusia. Kuga dage nindu ngaloken pendilo Dibata ?
P	Erpadan kami O Tuhan, iayuken kami pendiloNdu, iberitaken kami keleng ateNdu ku sekelewet kami. Ijenda aku Tuhan, suruhlah aku !
L	Mari sipepaguhi perpadanenndu alu ngendesken : <b>KEE No. 322 : 1, 2, 3</b>
<b>12</b>	<b>Pertoton Tuhan</b>
<b>13</b>	<b>Pengutusen ras Pasu-pasu Dibata</b>
L	Laweslah ku kerina bangsa manusia, bahanlah ia jadi ajar-ajarKu : Peridiken ia i bas gelar Bapa, gelar Anak, ras gelar Kesah Si Badia, janah ajari ia ngikutken kerina si enggo Kupedahken man bandu. Janah ingetlah ! Aku tetap kap ras kam seh ku kudungen jaman.” Guna sie, alokenlah pasu-pasu idur Dibata nari : <i>“Ipasu-pasu janah ikawali Dibata kam; siang ayo Dibata ersinalsal ibabondu; janah melias ateNa man bandu itatap Dibata ku kam, janah malem atendu ibahanNa.”</i> Amin.
	Ialoi perpulungen alu ngendeken :  A..min  A....min  A .....min
	<b><i>SELAMAT HARI MINGGU/SYALOOM.....</i></b>